

ԿՆՈՋ ԿԵՐՊԱՐԸ ԸՈՎԷԱՆՆԵՍ ԹՈՒՄԱՆՅԱՆԻ ԵՐԿԵՐՈՒՄ

Վ. Պ. ԴԱՐԵՆՅԱՆ

Հովհաննես Թումանյանն իր ստեղծագործություններում մեծ տեղ է տվել հայ կնոջ կյանքի, իրավական ու ընտանեկան վիճակի գեղարվեստական-հոգեբանական պատկերմանը:

Տակավին երիտասարդ բանաստեղծը կնոջ հանդեպ հարգանքի և սիրո խոսքով հակադրվել է իշխող արհամարհական ու վիրավորական վերաբերմունքին, որը «օրինականացվել» էր դարերի ընթացքում, վերածվել ինչ-որ «բարոյական» նորմի: Դեռևս 1894 թ. հրատարակված «Բորչավիում» ճանապարհորդական նկատողություններում Թումանյանը գտել է. «Ժողովրդի բարոյական ու տնտեսական կյանքը ճանաչելու համար մի գեղեցիկ միջոց, մի հեշտ չափ կա—այդ կինն է: Կնոջ վիճակը հայտնում, ցույց է տալիս, ինչպես անհատի, այնպես և հասարակության աշխարհայեցողության սահմանը, զարգացման աստիճանը: Բորչավիում կինը դեռ դատապարտված է ավանգա-կան արհամարհանքին, իբրև «առաջին մեղքի պատճառը», «դժողքի դուռը»՝ նդովված բոլոր սրբերից ու սրբություններից... Դեռ այնտեղ բարոյապես սահմանված ընդհանուր հարգանք չկա դեպի կինը...»¹:

Մեծ հումանիստն ու հայրենասերը ձգտել է ոչ միայն բաղմակողմանիորեն ներկայացնել հայ կնոջ ծանր ու նվաստացուցիչ վիճակը, այլև բացահայտել դրա պատճառները և արվեստի ու հրապարակախոսության միջոցով օգնել նրա իրավական ու բարոյական գրության բարելավմանը: 1899 թ. իշխանուհի Մարիամ Թումանյանին հղած իր նամակում նա գտել է. «Ինձ համար մի քիչ բան գրեք Ձեր այն հիշողություններից, որ ինձ համար այնքան թանկ են: Գուցե թե հոգեբանական անալիզներ անեք, որ այնքան սիրում եք Դուք. աղդ արդեն շատ կուրախացնի ինձ» (5, էջ 148):

1901 թ. նույն Մ. Թումանյանին հղած մի այլ նամակում բանաստեղծը գրում է. «Որքան շատ կանանց եմ հանդիպում, հետները խոսում, ճանաչում, այնքան ավելի եմ կարոտում մեր հոգեբանական-փիլիսոփայական-բանաստեղծական զրույցները» (5, էջ 185): 2. Թումանյանը շատ բարձր էր գնահատում Մ. Մ. Թումանյանին և գործակցում էր նրա հետ՝ ինչպես լուսավորության, այնպես էլ արվեստի զարգացման բնագավառում: Նա նշում էր, որ Մարիամ Թումանյանը «ղափարալի կին է: Ափսոս նրան լավ չեն ճանաչում սոս-հասարակ: Է՛հ, վերջում կճանաչեն. միշտ վերջումը...» (5, էջ 214): Այսպես, Թումանյանը համառորեն փորձում էր ճանաչել և՛ Բորչավի գեղջկուհուն, և՛ բարձր մտավորական Մարիամ Սարկովնային, ինչպես և հայ աղջկան Մարոյից ու Անուշից մինչև «ունիծած» հաբսը, սկեսուրը, խորթ մայրը, այրին, տի-կին՝ Նատոն ու Թմկա տիրուհին:

Մեզ է հասել 1914 թ. փետրվարի 27-ին հայ գրողների ընկերության կազմակերպած երեկույթում «Կնոջ ստեղծագործական կարողությունների մասին» թեմայով Հ. Թումանյանի կարդացած զեկուցման շատ հակիրճ մի շարադրանք. «Ազգերի գրականությունների պատմությունը ցույց է տալիս,— ասել է Թումանյանը,— որ ամեն սնգամ, երբ կինը ունեցել է ազատ վիճակ և նպաստավոր պայմաններ, զրական ասպարեզ հայտնվել է լուրջ ստեղծագործություններով: [Ապա նա] օրինակներ բերեց Հին Հունաստանի կյանքից, ուր աղատ

¹ Հովհաննես Թումանյան. Երկերի ժողովածու. հ. 6, Երևան, 1959, էջ 76 (Հայաստանի հղումները կտանք տողամիջում, նշելով համապատասխան հատորը և էջը):

ու անաղատ կանայք ապրում էին իրար կողքի, և ազատ կանանց շրջանից էր, որ դուռս եկան Նաֆոն, Ասպազիան ու իր նմանները: Հիշեց ճապոնական գրականությունից Հեյնանի ու Եդդոյի շրջանները, երբ մի շրջանում ազատ Լապոնուհին լսել լիովել է գրական գլուխգործոցներ, իսկ մյուս շրջանում, արդեն անաղատ ճապոնուհին չքացել է գրական ասպարեզից... Ֆրանսիական Լեդափոխությունը, որ նոր թափ է տալիս կանանց շարժմանը և առաջ են գալիս Ալ-ուե Ստալ, Ժորժ Զանդ և ուրիշ շատ նշանավոր կանայք, և այսօր արդեն դժվար է հաշվել գրական ասպարեզում հուշակ հանած կանանց անունները: Իալով հայ կնոջը, հիշատակեց հայ ժողովրդի նորանցյալ ծանր վիճակը և հայ կնոջ ճնշված դրությունը մասնավորապես» (4, էջ 461):

Հ. Թումանյանը տեսնում է այն օրինաչափությունը, որը հասարակության առաջընթացին դուրենթաց հուսցնելու է կանանց ազատագրության: Սակայն այդ պրոցեսը կարելի է և պետք է արագացնել, որին և կնպաստի լուսավորությունը և մասնավորապես գեղարվեստական գրականությունը: Ահա թե ինչու Թումանյանն իր երկերում մեծ ուղադրություն է նվիրել հայ կնոջը, եղել է նրա իղձերի ու ձգտումների, ցավերի ու հոգսերի, հույսերի և հույզների արտահայտիչն ու մեկնարանը, թափանցել նրա ներքնաշխատը, բացահայտել սրտի և հոգու գաղտնարանները, դովերգել նրա ընդունակություններն ու աշխատասիրությունը, առաքինություններն ու ղգացմունքները:

Բանաստեղծը խորն ու ծավալուն ընդգրկումով էր զգում ու ներկայացնում սաբյուրն, նրա սերն ու ատելությունը, շարն ու բարին: Ինչ որ նա գրել է՝ ալդ եղել է իր ազնիվ հոգու թրթիռների արտահայտություն, բայց նրա ամբարկած ասելիքի միայն մի մասն է գոհն հանձնվել, թեպետ ալդ մասն էլ հանձարեղ բանաստեղծի խորաթափանց մտքի և երևակայության վառ արտահայտությունն է:

Նս հազար աչքով բաներ եմ տեսնում,
Էր թաքնված են լուսության ետև,
Հազար սկանչով ձայներ եմ լսում,
Որ դեռ սրտերում շշուկ են թեթև (1, էջ 467):

Թումանյանն ստեղծել է անցյալի և իր ժամանակի հայ կնոջ դիմանկարները, որոնք անկրկնելի են իրենց ռեալականությամբ, կոնկրետ են իրենց անհատականությամբ և ընդհանրացված՝ իսկական արվեստի ուժով: Նա խորն ու բազմակողմանիորեն ուսումնասիրում և բացահայտում է այլազան հոգեվիճակների ռեալ հիմքերը, անալիզի ու սինթեզի միջոցով վեր է հանում դրանց և վոլյուցիան՝ մտքերի ու ղգացմունքների խանձարուրից կյանքի կոչելով հուզիչ, հոգեբանական հզոր ուժով օժտված կերպարներ:

Բանաստեղծական խոսքը հսկայական ներգործական ուժ ունի, Գյոթեի արտահայտությամբ դա այն «շեփոքող հարմոնիան», բառային բարեհնչուն ալրյուն է, որը մեծ բառոյական ու հոգեբանական ազդեցություն է գործում ընթերցողի վրա: Հայ մեծագույն բանաստեղծի յուրաքանչյուր ստեղծագործության մեջ մեկը մյուսի հետևից մեր առջև բարձրանում են կարիքի ու հոգսերի ծանրության տակ ճնշված, բայց աշխատասեր ու կամալին գեղջկուհին, հոգատար մայրը, մինչ մոռացում ու մահ հավատարիմ ու սիրող աղջիկը, պժքախոս ու ստրկացած հարսը, բռնության, անտարբերության ու արհամարհանքի հանդեպ ծառացող ու տոկացող հայուհին, շարի դեմ ընդվզող ազատասեր կինը և դրանց հետ մեկտեղ՝ անհոգի ու դաժան խոռոթ մայրը, քաղբենին, վառամուլն ու դավաճանը:

Թումանյանական այս կերպարները հսկայական դաստիարակչական ազդեցություն են ունեցել և ունեն, դրանք ոչ միայն բացահայտում են լավն ու վատը, այլև ներթափանցում ընթերցողի սիրտն ու հոգին, հուզում, նրան տալիս են լույս և զգալի փոփոխական աշխարհը՝ ստիպելով վերապրել, զգալ,

հասկանալ և վերանայել սեփական պատկերացումներն ու վարքագիծը կնոջ նկատմամբ:

Թումանյանը խորապես ապրում էր իր հերոսների հոգեկոր կյանքով: Այլ կերպ նա չէր կարողանա ստեղծել հոգեհոյգ կեռպարներ ու կենդանի պատկերներ. «Բանաստեղծությունը կամ բանաստեղծին կարելի է գտնել զգացումով, ըմբռնումով, հոտառությամբ: Ապա, երբ աղդեն գտնված է բանաստեղծը, նոր միայն գործադրել մեթոդներ՝ նրան վերլուծելու: Այս կամ այն մեթոդով չի կարելի գտնել բանաստեղծությունը նրա գովածքների մեջ, ինչպես չի կարելի անդամահատությունն այսինչ կամ այնինչ եղանակով անդամահատելով գրտենել գեղեցկուհու հրապուրանքը» (6, էջ 392):

Այդպես է վարվում Թումանյանը՝ ամեն դեպքում ընդգրկելով կյանքի ու շագրավ մի դրվագը, խորամուխ դիտողականությամբ ներկայացնելով արև՝ հնարավորություն ստեղծելով վերլուծելու, հասկանալու և եղրակացություններ անելու և ընթանալու դեպի համամարդկայինը, մասնավորից դեպի ընդհանուրը: Բայց նա ալդ անում է միմիայն արվեստի միջոցներով, առանց փիլիսոփայական «զգեստավորման»:

Թումանյանը կանանց հասարակական ու ընտանեկան կյանքի հանդամանքներով պայմանավորված հոգեվիճակների ուսումնասիրությունն սխեմա է բացառիկ կոնկրետությամբ, դրանց և՛ ընդհանրություն, և՛ ծավալականության ոլորտներում:

Արտասովոր հուզականությամբ է կերպարանավորված դեռատի հայ տղջկա՝ Մարուի ողբերգական վիճակը: Սկզբում երեխան չէր հասկանում, թե ինչ է կատարվել իր հետ.

— Լսվն է, ասում էր, Կարոն,
Բերում է ինձ ամեն օր
Կանփետ, շամիշ ու խնձոր (2, էջ 5):

Այստեղ ճշմարիտ ձևով արտահայտված է աղջնակի հոգեբանության անմիջականության մի օրինակ, սկզբնական մանկական սիրով կապվածության հիմքը: Դրությունը փոխվում է, երբ պսակում են Մարուին և տանում Կարուի տունը, որտեղ խոթթ միջնորդուն ստեղծում է նոր հոգեվիճակ: Մարուն չի դիմանում դժխեմ կյանքին և ինքնասպան է լինում: Անգամ այս ողբերգական վախճանը չկարողացավ հաղթահարել աղսթի ու նախապաշարմունքի ուժը... Մարուի դին պապի կողքին շորին:

Հայ աղջիկները մեծանում էին, հասունանում, սակայն էլի չէին դառնում իրենց բախտի տնօրինողը: Անուշը իրավունք չունեցր ամուսնանալ իր սիրածի՝ Նարուի հետ, որովհետև կոխի ժամանակ տաքացած Սարուն գետնել էր Մոսխին: Նղբալուն ու հայրը ոչ միայն գատապարտում էին «օրենքը» ոտնահարող, ապա և Անուշին փախցնող Մարուին, այլև օրինական համարում արվան վրեժի՝ ավանդության, Սարուի սպանությունը:

Թումանյանը մեկ այլ հերոսի՝ տաղաբախտ Թամարի մասին լեգենդի մրշակմամբ պաշտպան է կանգնում ազնիվ զգացմունքի պատվության: Թամարի ջահել սիրահարը, սրտից հանած ահն ու վախը, ծովն է մտնում գիշերով՝ կրողում հանդիպելու իր սիրած աղջկա հետ... Բայց համագլուղացի երիտասարդները խանդում են, չեն հանդուրժում «օտար» երիտասարդի համարձակությունը...

Աղջիկ լսի նա մեր ձեռից...
Ինչի՞ տեղ է մեզ դնում:

Հասկանալով հանդգնում են Թամարի վառած կրակը, որպեսզի երիտասարդը կորցնի կղզի հասնելու ճանապարհը, ծովում խեղդվի, որպեսզի խեղդվի նաև Թամարի նվիրական սերը:

Թումանյանը «Ախթամարը» գրել է 1891 թ., և ինչպես երևում է, նա այնպիսի խոր անդրադարձն է ունեցել, որ անգամ 24 տարի հետո 1915 թ. նորից անդրադարձել է այդ տխուր պատմությանը և գրել «Ախթամարի կղզում» նոր ստանալորը:

Սրտիս խորքերեն,
Հովեն թե ծովեն
Մի ձև եմ լսում.—
«Թամար... ախ, Թամար...
Սերը որ կորավ,
Սիրար որ մեռավ,
Արցունքն է մնում» (1, էջ 177):

Աղջկա իրավագրկությունն արտահայտվում է անգամ թագավորական տիրույթում. «Փառվանայի» աբքան ուղում էր իր գտնել ամուսին դարձնել միայն այն կտրիճին, որը մյուսներին կղերազանցեր ուժով: Աղջիկը, սակայն, սիրո ուրիշ չափանիշ ունի և հանդգնում է արքային ասել՝

Իուցե, հայրիկ, տկար լավին
Հաղթի մի վեա տմարդի,
Բայց չի կարող լինել երբեք
Նա սիրելին իմ սրտի... (1, էջ 294):

Աղջիկն ուղում է տղամարդու ոչ թե հարստությունը կամ անգամ հերոսությունը, այլ սրտի սերը՝ «անշեջ հուրը սրբազան»:

Թումանյանը, ցույց տալով կանացի սիրո ուժանտիկ էությունն ու հերոսականությունը, իր երկերում ընդգծում է նաև նրա հավատարմությունը և ուժը, բայց նաև անզոգությունը, քանի որ աղջիկը իրավունք չունի անգամ իր սերն առաջարկելու երիտասարդին: Սերը կրկնակի ծանր ու խորին տառապանք է առաջին հերթին և երբեմն միայն աղջկա համար:

Աղջկա և կնոջ զգացմունքը Թումանյանը այնպես չի ներկայացնում, ինչպես քնարերգության շատ վարպետներ: Սիրո զգացմունքը, դրա խորությունն ու տառապանքը, կասկածն ու հիասթափությունը մեկուսացած ապրումներ չեն, դրանք անմիջականորեն կապված են միջավայրի բարդ ու խճողված փոխհարաբերությունների հետ: Աղջկա և երիտասարդի հոգեկան կապերը հանդուցված են հասարակության իշխող բարքերի ու ավանդույթների, ունալ իրավիճակների հետ և կարծես այնտեղ չկա «մաքուր» քնարերգություն: Գուցե հենց այդ է պատճառը, որ բանաստեղծի երկերում կնոջ կերպարը ավելի կենդանի է, ամբողջական ու հոգեհարազատ ընթերցողին:

Ինչպես նկատել է Դերենիկ Դեմիրճյանը, Հ. Թումանյանը «իր գավառով ներկայացրեց ողջ հայ ժողովուրդը» (8, էջ 144), ինչպես և իր կանացի կերպարներով՝ հայ կնոջ ամբողջական տիպարը:

Բացառիկ ուժով է ներկայացրել Թումանյանը հայ աղջկա մաքուր ու աղնիկ սերը, ստեղծելով մի շարք վառ կերպարներ, որոնցից առավել ակնառու է Անուշը՝ համանուն պոեմում, որտեղ հերոսուհին ներկայացված է գլուղական աղջկա պառզ հոգևորությունը: Անհունորեն խորն ու նվիրական է Անուշի սերը, բայց և պարտիված թուխիծով ու կասկածանքով:

Թումանյանը կարծես աննկատելիորեն վեր է հանում կանացի սիրո դերն ու նշանակությունը տղամարդու անձնական աշխարհում: Այդ շատ վառ, հուզիչ ու համոզիչ արտահայտություն է գտել պոեմի թեկուզ մի փոքրիկ հատվածում, որտեղ Սարոն սլատկերում է Անուշի սիրո բախտորոշ դերն իր կյանքում.

—Ախ, Անուշ, Անուշ, էդ ի՞նչ ես ասում.
Բա դու շնո լըսում,

էն, որ Իանգերին խաղեր եմ ասում,
 Ո՞ւմ հետ եմ խոսում...
 էն, որ գիշերով շրջու եմ փրկում,
 էն ո՞ւմ եմ կանչում... (2, էջ 53):

Այս հատվածը մտքերի ու զգացմունքների մի հարուստ գամմա է, որն ի մի է բերել այն բոլորը, ինչ ծնել է աղջկա սերը Սարոյի ներքնաշխարհում՝ խաղեր հյուսելու պոետական տրամադրություն, երգի ու շփոթի նվագի միջոցով սիրո կանչ, մենակ ու տխուր մտորումներ, հառաչանք ու աբսեցում: Եվ իսկապես, չէ՞ որ սերը ներշնչանքի ուժով ստեղծում է երգ ու երաժշտություն, պոետական անուրջներ, դրամա ու ողբերգություն: Թումանյանն այդ րնդհանրացումը թողել է ընթերցողի դատողությանն ու երևակայությանը, դրա համար ստեղծելով միայն հոգեբանական բարեբեր ենթահող: Անուշը չէր կարող դիմանալ իր միջավայրի բիրտ բարքերին ու հասարակական կարծիքի հեղձուցիչ մթնոլորտին և մանավանդ Սարոյի սպանության ողբերգությանը: Մի անզուգական վերջերգ է սա, որտեղ ամփոփված են խելագարված աղջկա էլանքի վերջին հոգեհույզ պահերը և այն ապրումները, որոնք համարժեք երաժշտական հնչողության հասան Ա. Տիրաանյանի օպերայում, ստանալով հավերժականության ուժ:

Ռեալիստական վառ գույներով է ներկայացվում նաև հայ նորահարսի իրավազուրկ վիճակը: «Անիծած հարսը» նահապետական ընտանիքի ճնշված անդամն է, որը պետք է հարմարվի այլ ընտանիքի խստաբարո ավանդույթներին, զրկված անգամ խոսելու և ուրախանալու իրավունքից: Եվ նա հնազանդ է բարքերին, դրանք համարում է օրինական...

Նրա բերնից՝ կեսուր-կեսառ
 Զէին լքել մի շունչ, մի բառ,
 Զէին տեսել շուրթը մի օր...
 էսպես խոնարհ ու հարգեոր (1, էջ 282):

Եվ հանկարծ կատարվում է «անսպասելին», խախտվում է աղաթը, երբ հարսը՝

Մի օր մենակ օդում նրստած,
 Իր ճոխ մազերն արձակ թափած,
 Աղատ, անփութ սանրում, հյուսում,
 Հետն էլ ձեռով երգ էր ասում:
 «Աշխարհքը բանտ,
 Մեջը անբախտ
 Ես մի գերի անխնդում...»

Զէ՞ որ նույնիսկ օդայում մենակ նստած՝ հարսը պետք է իրեն զսպված պահեր, չէր կարելի մարդերն «արձակ» թափել և «անփութ սանրել ու հյուսել», առավել ևս «աննով» երգ ասել, դժգոհել իր վիճակից՝ երանի տալով ծտին, որ աղատ, անկախ

Ծրվելում է թրթռում,
 Բռնում՝ սիրած
 Ընկերն առած,
 աղատ, կանաչ դաշտերում:

Այս բոլորը բավական էր, որ հարսի ձայնը լսող սկեսրոջ զարմանքն ու զայրույթը կատաղության հասներ: Սկեսուրը ներս է մտնում, և վախեցած ու շփոթված հարսը կորցնում է խոսքի ունակությունն ու թռթռում՝ «Հո՛, պո՛, պո՛ պո՛» («կանչեց խեղճը»): Սկեսուրը գործի է դնում կանացի դաժանության միջոցներից մեկը՝ անեծքը. «Հոպոպ դառնաս, անամոթ հարս»:

Ուշագրավն այն է, որ հարսը, լիովին հասկանալով հանդերձ իր վիճակի «դրերդականությունը, օրինական է համարում սեփական «քալերի» «անթույլատրելի» լինելը և անգամ մեղանշում է, դատապարտում իրեն. «Գետին պատռի՛, մրտենեմ մեջը»:

Այրի գեղջկուհու վիճակը բնութագրող մի ոտանավորում խոսվում է ոչ միայն նրա հոգսերի, այլև կամքի ու աշխատասիրության մասին: Գամված իր օջախին, այրին իր ճախարակով ու անդու աշխատանքով պահում է ու պահպանում ընտանիքը՝ աղգի կենդանի բջիջը: Հայ կինը, այրին, չի լքում իր երեխաներին, ապրում է միայն նրանց համար, աշխուժում նրանց ցավերով, ինքն իրեն կոչվում աշխատանքի...

Մանի, մանի, ճախարակ,
Երստենք բանի, ճախարակ,
Անտերին տեր, ճախարակ,
Որբերին հեր, ճախարակ:

Աղբատ օրով ու լացով
Որբեր պահեմ մանածով (1, էջ 154):

Կանացի մի այլ կերպար է Անուշը՝ մայրը, որը երիտասարդ տարիքում իր հոգեբանությունը, երեխաները, ինչ իր դուստրը, սակայն այլ դերում, երբ կին է, դարձել է մայր՝ նա շատ զգույշ է, կասկածամիտ ու խստապահանջ, կուրցրած երիտասարդի աշխարհըմբռնողությունը: Բայց լինելով ցավակից մայր, նա միանգամայն այլ վերաբերմունք ունի Անուշի վիճակի նկատմամբ, բան հայրն ու եղբայրը:

Հ. Թումանյանի երկերում տեղ են գտել կյանքի փորձով իմաստուն դարձած կանայք: Ահա Գիքորի ու Բազալ Արտեմի բարեհոգի մայրերը: Նրանք փորձում են իրենց թույլ հովանավորության տակ վերցնել դժբախտ երեխաներին, թեև էական փոփոխություն չեն կարողանում կատարել նրանց բախտում: Ինքնատիպ ու խորը, լայնախոհ և հուզիչ է Հ. Թումանյանի սերը մոր նրկատմամբ, կոնկրետ արտահայտչական միջոցներով ընդհանրացած ու համամարդկային, բայց միշտ հայ մոր նկատմամբ ունեցած սիրով:

Բարի իրիկուն, վշտալի մայրեր...

Իմ մայրերն եք դուք.

Իմ մայրն էլ ձեզ պես,

Իուր էլ նրա պես

Ճրագի առջև,

Կրակի առջև,

Գուռն առջին,

Կամ լուսամուտի,

Անկողնում տնքուն

Պտույտ եք գալիս,

Ու մորա եք պահում.

Երբ պետք է ծագի,

Երբ պետք է մրթնի,

Մի հոգս ունեք լուկ

Ե՛րբ պիտի արդյոք

Էս կյանքը անցնի,

Տանջանքն անցնի:

Ի՛նչ ցեղ էլ լինեք,

Ի՛նչ տեղ էլ լինեք

Իմ մայրերն եք դուք (1, էջ 524):

Այստեղ հնչում է մեծ բանաստեղծ-ինտերնացիոնալիստի սիրո անօրինակ խոսքը, որը բաղմանշանակ ու կարևոր էր 1914 թ. առաջին աշխարհամարտի օրերին, երբ ժողովուրդները «մի հոգս ունեն լուկ...—Ե՛րբ պետք է արդյոք... էս կյանքը անցնի, տանջանքը անցնի»:

Սիրույ մոր պագմունքները այնքան հայտնի են, որ գուցե հարկ չկար դրանց շատ տեղ տալ, բայց Թումանյանն ուզում է մարդասիրություն զարթնեցնել նաև այնտեղ, որտեղ այն չկա, կամ պակասում է... Պետք էր միաժամանակ համոզականություն դատապարտել խորթ մայրերի ու հայրերի անուշադիր, երբեմն վատ ու դժան վերաբերմունքը երեխաների նկատմամբ և այդ անել տպավորիչ ու հուզական ճանապարհով, ստեղծելով ոչ միայն կարեկցու-

թյան զգացմունք, այլև անմիջական գործողության դիմելու և՛ ցանկություն, և՛ պատրաստակամություն:

Կանացի բացասական կերպարները Թումանյանի երկերում համեմատաբար քիչ են և ներկայացված կարծես հոգեբանորեն պակաս հավաստի ձևով: Մասնավորապես չափազանցված ու ցցուն է դարձված խորթ մոր դաժանությունը, որը հասարակական շարիք է, երբեմն դուրս է գալիս ոեալ իրականության շրջանակներից: Սակայն այդ հիպերբոլիկ ու ցցուն դրվագները չեն խանգարում երկի գեղարվեստական ճշմարտությանն ու հոգեբանական հավաստիությանը:

Թումանյանի տեսադաշտից դուրս չեն մնացել կանացի բացասական կերպարները, որոնցում ներկայացված են քաղցրենիական գծերը, շահամուլությունն ու փառասիրությունը և այլ արատներ: Դրանք երբեմն հասցնում են ալլասերման և անգամ դավաճանության:

Ուշագրավ է «Թմկաբերդի առումը» բազմապլան երկը, որտեղ ամբողջ խորությամբ ներկայացվում է կնոջ գեղեցկության և հմայքի մեծ ուժը: Դրանք երբեմն բացասական գործոն են դառնում ընտանեկան ու հասարակական կյանքում: Այդ պոեմը ստեղծելու համար Թումանյանը 1901 թ. գնում է Զափախք: Այդ մասին իշխանուհի Թումանյանին նա գրել է. «Ուղում եմ Թմկաբերդ: գնալ—երևի հիշում եք Թմկաբերդի լեզենդան—այն կինը, որ ուզեց շահի թագուհին դառնալ և այլն» (5, էջ 189): 1905 թ. տպագրվում է այդ լեզենդի գրական մշակումը, որը հիմք է դառնում նաև երաժշտական ստեղծագործության՝ «Ալմաստ» օպերայի համար:

Աշուղը շահի մոտ զոմբոգում է Թմկա տիրուհուն, պատմում ամուսնու վրա նրա ունեցած ազդեցության մասին և խորհուրդ տալիս տիրուհուն զայն թակելու միջոցով հաղթել իշխանին. •

էն տեսակ կին,
ես իմ հոգին,
Թե աշուղն էլ ունենար,
առանց զենքի,
առանց զորքի
Շահերի դեմ կգնար:

Ես է շունչ. հոգին իշխան Թաթուլի,
նրա սիրովն է հարբած էն հսկան,
...
նրա ժպիտն է քաջին ուժ տալի,
Որ դաշտն է իջնում առյուծի նման:
Թե տիրես, մեծ շահ, դու նրա սրտին,
Թաթուլն էլ անդոր կընկնի ոտիդ տակ...

Այստեղ, ինչպես և մյուս քննվող երկերում, բացառիկ ճշգրտությամբ բացահայտված են զգացմունքների բարդ ելևէջները: Այսպես, Թմկա տիրուհին, բռնված լինելով աշխարհակալ Նադիր շահի թագուհին դառնալու անսանձ կրքով, դավաճանում է ոչ միայն իր ամուսնուն, այլև հալրենիքին: Սակայն տեսնելով իր խաբված լինելը, վիրավորված կանացի ինքնասիրությամբ, կատաղի կրքով խարազանում է ստոր բռնակալին՝ նրա երեսին շարտելով իր ցասկոտ մեղադրանքը՝ շեշտելով Թաթուլի բարեմասնությունները՝

—Քաջ էր ու սիրուն րեզնից առավել.
Մի բարձր ու ազնիվ տղամարդ էր նա.
Կնոջ մատնությամբ ամբողջ լի առել,
Զի եղիլ կյանքում երբեք խաբեա...

Թումանյանի երկերում ողորդ տեղ են գտել կնոջ նկատմամբ տաժած նրա անձնական սիրո դրվագները՝ սկսած մանկապատանեկուն ժամանակաշրջանից մինչև հասունության տարիները:

1913 թ. նա նորից է անդրադառնում սիրո թեմային, փառաբանում է սիրո ուժն ու հավերժականությունը. «Աղջկա սիրտը» (Արևելյան ավանդություն) ստեղծագործության մեջ նա գրել է. «Բայց սիրո համար վերջ ու մահ չըկան» (1, էջ 339):

Ինչպես տեսանք, աղջկա-կնոջ ազատության, նրանց նկատմամբ սիրո ու հարգանքի պրոբլեմը մշտապես եղել է Թումանյանի ստեղծագործության առանցքային ու կենտրոնական ուղենիշներից մեկը, կապված կյանքի ընդհանուր հարցերի հետ, հաճախ նաև քաղաքական դրույթյան հետ: Իր դստերը հրավիրած ոտանավորում անգամ հնչում է պոետ-քաղաքացու խոսքը.

Ախ, Արփիկ ջան, որ արփի ես	Ես արս շուղախված իմ սրտում
Բացվում հոգուս երկրնքում,	Անքուն վախով, թաքուն դողով
Իրան քանի արփի բացվեց	Էս սե ամպն է պրտըտվում...
Քեզնից առաջ էս կյանքում...	Հովա՛, ժպտա՛, հուր, բոց տեղա
Ժուլոյս ու կուլոյս շաղով, շողով	Սրտուտքի մութի դեմ (1, էջ 527):

Ուշադրավ է այն հանգամանքը, որ անգամ աշխարհամարտի օրերին, հողնատանջ իր ժողովրդի ցավերով, բանաստեղծը չի մոռանում կանանց ազատագրման հարցում իր ասելիքը:

1915 թ., երբ պոետ-քաղաքացին ամբողջապես համակված էր հայ ժողովրդի ողբերգական օրերին օգտակար լինելու դադափարով, հրապարակվեց նրա «Թանկ մարդու հիշատակին» հոգվածը, որտեղ կարգում ենք. «Աղետալի դաղթականությունը, որ Տաճկաստանից գետացած եկավ ու ծովացավ էջմիածնի շուրջը, շատ բաների հետ հանդես բերավ և մի երևույթ, թե ինչ խելագար անձնվիրության է քնդունակ հայ կինը—հայ աղջիկը: Էջմիածնում գրեթե ամեն գործի մեջ ամենից առաջ հարկավոր էր սիրտ, սրտայի վերաբերմունք, բայց անհրաժեշտ էր մանավանդ Մանուկների ասպատարանում, որ միշտ Ուրբանոց կոչվեց:

Ահա էստեղ էր, մի քանի հազար կեղտոտ, մերկ, սովալյուկ ու հիվանդ երեխաների մեջ էր, որ հայտնվեցին նրանք, և թե ինչ էին անում էդ Ուրբանոցի մեջն ու շուրջը՝ ամեն տեսակիս հուզմունքից կուլ էի տալիս արտասունքներս և երբեք, երբեք չեմ մոռանալու ահեղի աղետի մեջ՝ սովի, տիֆի, խոլերայի և ամեն տեսակի ցավի ու տանջանքի դեմ երես-երեսի կովի դուրս եկած էդ չորհալ մարտիկներին» (6, էջ 207):

Կնոջ վիճակը ներկայացնելու համար Հ. Թումանյանը հաճախ դիմում է պոստական կարևոր իրողությունների՝ մասնավորապես թուրք-պարսկական սիրապետության շրջանին, երբ և՛ Հայաստանի, և՛ Վրաստանի բնակչությունը գտնվում էր ստրկական պայմաններում. «Վրաց Թեյմուրազ թագավորի՝ վկայությամբ միայն Գուրիայի արքեպիսկոպոսը խտրված է տարեկան 12 հազար աղջիկ է: ուղարկում թուրքիա՝ ութանասուն էլ՝ սուլթանին նվեր» (6, էջ 210): Թուրքական հրոսակների «ավանդույթ» դարձած առևանգումները մըշտական վախի ու սարսափի կնիքն էին դրել հայ աղջկա վրա: Պատահական չէ, որ Անուշն ասում է մորը.

—Նանի, վախեցի,
Նանի, ներքևում ես մարդիկ տեսա,
Կարծեցի՝ թուրքերն էին լողոնում (2, էջ 54):

Հավատով լցված կանանց ապագայի նկատմամբ, Թումանյանը հույս էր հայտնում, որ կինը կազատագրվի ու կդառնա տղամարդու իրավահավասար րեկերն ու լիիրավ քաղաքացի.

Առատ կլինի կինը արդ,
Կրնկնի էգի գինը արդ,
Կրարձրանա նրա տեղ
Ազատ, անկախ կինը՝ մարդ:

Քումանյանի երազունքը դարձել է իրականություն: Ալսոր հայ աղջիկն ու կինը՝ ընտանիքի ու հասարակության լիիրավ ու պատվարժան քաղաքացիները, երանդով ու ստեղծագործական ավյունով մասնակցում են երկրի տնտեսական, քաղաքական ու կուլտուրական կյանքին:

ОБРАЗ ЖЕНЩИНЫ В ТВОРЧЕСТВЕ ОВАНЕСА ТУМАНЯНА

В. П. ДАРБИНЯН

Резюме

В творчестве великого армянского писателя Ованеса Туманяна значительное место уделено армянской женщине, ее жизни, быту и нравам, ее положению в обществе, семье, ее духовному миру и психологии. Широко и глубоко изучив положение девушки и женщины разного возраста и социального положения, гениальный поэт создал прекрасную галерею живых образов женщины. В статье делается попытка показать глубину женских образов у Туманяна, неустанное стремление автора вызвать у читателей чувство сострадания к прекрасному полу, обладающему огромной трудовой и творческой потенцией, способному к «ненстовому самопожертвованию». Отважный борец и глашатай свободы, Туманян с надеждой и непоколебимой верой смотрел на эмансипацию женщины, словом и делом служа этому благородному делу.